

經部

周易浅述悉二

通政使司副使臣英瞻景覆勘 詳校官國子監然河上 鬼雅言書

校對官編修臣盧 總校官知縣臣緣 婚録監生臣曹方昇 琪

遂

吹 己四車全書 月 弘茂述 而後能安比所以次 在地上親切无間 **計聚必有所比故** 五陰所親附亦

比吉原筮元永貞无咎不寧方來後夫凶 師也卦以九五為君象陽剛中正為衆所歸相親相 輔但當自審于先不可失之于後此全象之大古也 吉唯三失其所比離五既遠而應于无位之上所以 傷也此六爻之大略也 以後而凶二以應五為自内四以承五為外比故皆 六久以五為比之主五陰皆求比之初以先而吉上 親輔也卦以九五 陽為上下衆陰所歸以

火心の馬上 有元善永長正固之德然後可以當衆之歸而无 我當為人所親輔而古然人之歸我歸于德也必我 永貞故有原筮元永貞无咎之象水性流動終有所 原筮比本坤卦以再筮得乾之五具乾之元與坤 再筮也崇卦坎一 而撫 萬邦以四海而仰一人故有親輔而吉之象原筮 以陰變陽兩雄不並棲有後夫凶之象占者得此 有不寧方來之象九五一陽已為眾所歸上後來 一陽在下曰初筮比坎一陽在上曰 周易淺述

金少正戶也事 其未比于我而有所未安者亦將來歸若彼遲而後 蓋卦具此象筮者各隨所問以為占不可執 其德則必求有是德者比之我不可自取後夫之 之本義謂我比人以是反觀然玩象意則比人之占 至則此交已固彼來已晚而得凶矣卦就人比我言 已在其中盖卦以坎五為比之主故我有元永貞之 則人自當速比于我而彼之後至者凶矣若我无 凶

彖曰比吉也 人とうりょうこんは山田 原筮元永貞无咎以剛中也不寧方來上下應也後夫 比輔也下順從也 凶其道窮也 在下也此以卦體釋卦名及比古之義 吉也順者情不容已從者分不可逃謂陽居尊而陰 比之所以吉者以比有輔之義臣下皆順從之所以 本義謂三字皆行大全謂行也字今從之 問易淺述

兩爻 则 此 亦 亦以卦 腁 JE. バス 相 固 留所 陽 五陰皆有當應之道獨 君臨 應 不 以凶也乾上九日躬之 五陰又專以五為應者師 以為 愕 此 偏 所 下 釋卦解 則 則 以為貞 亢 どく 其分嚴也既 剛中 五陰應五之 也 卷二 上 剛 則 健 謂 謂 上以 而 五以者因也因剛中 災坤比上六皆曰道 日上 五陰 不息所以為永 陽又為 パス 凡卦! 君 陰在最後勢處 下應又曰其道 任將 旨 则 例 バ 剛] 其 紙 剛] 則私 柔 任 師

象曰地上有水比先王以建萬國親諸侯 次定习草主書 比我此取我往比人然封建以治天下使天下親于 諸侯知尊君親上而天下從之矣本義謂彖意人來 自 封建先王治天下之大者也于師得井田之法使民 窮皆以處上極窮故也 比于地不容有問先王畫疆分國使連屬相親 侯即使諸侯親于天子亦人來比我之意也并 相合而无間于比得封建之法使君與民相合而 月易沒述 则

初六有孚比之无咎有孚盈缶終來有他吉 適有有字比之无咎之象坤為土缶土器以陰變陽 之質中虚者信之本也當比之始虚中求比意无他 久皆言有字此陰及亦言有字程子所謂中質者信 无間 缶之象不與五應而終比于五有終來有他吉之象 又為仰孟坎水下流初變為屯屯者盈也有水流盈 易六文皆歸正應獨比諸文皆以比五為義他卦陽

象曰比之初六有他吉也 次定四車全書 内 言他吉即于其初而信之不待其終而見之也 所資于人皆從其占也 言凡比之初貴乎有信則可以无咎若誠信之心既 也時解就人臣始仕者言亦不必拘凡事君交友有 充則在我无他向之心不但无咎終且有他吉之來 一比之自内貞吉 外卦之分始見于此以二應五故曰比之自內 月易浸述 ħ

六三比之匪人 象曰比之自内不自失也 可以 除柔恐自失其身得正則不自失矣已无所失然後 之自內則涵養有素道可格君學可匡時非以名求 **皆非其人不言凶而凶可知矣** 以偽應者也柔順而中正故曰貞吉 六陰柔而居三不中不正承四乘二應上皆陰所比 比人也

次定四車主書 ~ 六四外比之貞吉 象曰比之匪人不亦傷乎 皆陰爻故統謂之匪 陰所應非人尤重所應如所事非人所承所乘如居 而比五日他四不係 之有鄰學之有友仕之有同原皆是也三四皆吉然 以柔居柔外比九五為得其正吉之道也初不係四 以求安也上无首而三應之所以傷也承乘應皆 月易浅迷 初而比五曰外二曰自內有

象曰外比于賢以從上也 九五顯比王用三驅失前禽邑人不誠吉 賢哉正以上下之分有所必從无所逃也 近 五以剛明中正之賢又居君位四外比之豈徒以其 為師之反陽在上而統衆有王用三驅之象四陰 于媚故皆戒以貞吉 許國之意四日外比有公爾忘私之意陰柔近君 陽居尊為聚陰所附陽明光顯有顯比之象

次正四軍 主書 者古田獵之禮置梅以為門刈草以為圍獵者三面 圍三面而空其門所謂天子不合圍開 合圍開其前門天子自門驅而入車三發徒三刺謂 誠之象三驅宜從舊解三度逐禽而射之也失前禽 為土為邑為衆五下四陰皆比聽上之背去邑人 此也從門出者為前故曰失前禽也王用三驅句 音順乎五獨上背之而五无容心有失前禽之象坤 之三驅禽獸由門而出者皆免惟在圍之中者殺之 周易浅述 面之綱者

害物之禽也在師則執之王者之義也比之前為遠 過言天子之田失前禽句中自有三面不合圍之意 我之禽也在比則失之王者之仁也然使邑人不喻 若以三驅為三面驅禽以待射則非矣邑人不誠者 无警備之意也師比之五皆取禽象然師之田有禽 天子聽其去而不問既无必得之心則邑中之人亦 失前禽而邑人不誠乃為吉也此爻取象極得帝 上意有唯恐失之之心則禽無遺類其仁不廣矣故

MAND IN LIKE 誠上使中也 象曰顯比之吉位正中也舍逆取順失前禽也邑人 隆也 位在正中心無偏黨比之所以為顯而得吉也舍逆 順我撫而親之其叛去者亦姑舍之在內者安之 用心盖王者未當不欲萬國皆在綏懷之中然惟 順者古人之 聽之其心光明正大在)獵喜其向我而縱惡其背我而殺 周易淺述 下亦相忘其化王道所 在

上六比之无首由 肯我入圍者為順以殺之為取舍逆去者取其 亦 者不拒之意故以向我出圍者為逆以縱之為舍以 居五之後比之不先无首之象即 按王註云乾剛惡首比吉惡後五君元首之象上六 順逆兩忘德怨不任也上使中者王心无取舍邑人 縱其順而殺其逆令借以為喻但取往者不追來 无得失此化于中岩上使之也 ノノニー 卷二 謂後夫凶者 順 者

1.30 L. L. 畫之序言之則上為後而初為先以上下之體言之 首又不能自卑以後人而失其首二意亦相貫也乾 則 吉凶各異者乾之无首剛而能柔不為首者也故吉 以純剛盡變為柔曰无首比以陰居上亦曰无首而 也本義謂陰柔居上无以比下為无首之象盖以卦 日比之无首无所終 之无首陰柔不足為首者也故凶 上為首而初為足其才既不足以高人而為人 也 周易浅迷 扎

金舜正厚在書 傷 爻皆比人者惡其後後則无始无終故三以應 其德不足以為首則其效 たし 陽統聚陰有君臨萬邦之象故 初以能 明 故皆有貞吉之占也卦及大意取象于事君交友 不論文位之 取内四陰 卦者亦随事以為占不必 比于先而吉二以 相應五為人所比貴于顯 之比而舍上之後比不以為嫌 不能以 中 五陰皆以 正内 有終矣全卦 泥 业 rt 四以得 願 にし 則 五 為義 餘 正 正 而

乾在上之物乃居異下為異所畜故為畜也然以陰 畜陽能係而不能固以柔順柔其剛健非能力止之 陽說之皆為所畜陰小陽大以小畜大之義也故為 也所畜者小之義也又卦唯六四一陰得位上下五 為入其象為木為風畜止之也畜止剛健莫如異順 小畜乾下巽上巽一 小畜杀傳不及二體但言六四畜諸陽盖舉其重言 一陰伏于二陽之下故其德為異

Z 6.) D 191 Z 1.1.1

周易汽述

者也下三爻受畜者也初與四為正應二近初而 之道然其畜未極則施亦未行占者得此能亨而未 次比也全象內健外異二五剛中其志得行有可容 可大有所為此全象之大古也六久上三爻異為畜 正應故為反目四以一 也小畜次比按序卦比必有所畜故受之以小 相比附則為畜聚又相親比則志相畜小畜所 屋と書 初復自道而二亦以奉復而吉也三近四而非 卷二 陰畜衆陽在憂懼之冲故 剛

小畜亨密雲不雨自我西郊 其道有可亨也除在天上有雲象雲雖密而陽多足 聖人憂之故危詞示戒此六爻之大略也 之才以卦體言之二五皆以陽剛居中有得為之勢 而不固小畜之義也以卦德言之內健外異有可為 卦以異陰畜乾陽爻以一陰畜五陽皆以小畜大畜 孚而血去惕出也五助四以畜乾四得五為合志五 合志于四為以鄰也至上則畜極而成然以陰畜陽

アニロライニ

問易浅述

泉占者得此其道可亨而不能大有所為或以臣畜 事未有所成而為小事所阻不必執一以論也本義 君則臣道雖盛未能得君以施其澤或以小人 倡而陽不和不能成雨故有密雲不雨自我西郊之 在外卦又為異風雲氣雖密遇異風雲自西而東陰 雨泉互體得名為西方有西郊泉四為主四互成兒 以制之又坎為雨三四五互為離坎之反也故為不 則雖受其拘縻而守道不為所困或以應事則大 卷二 畜君

象日小畜桑得位而上下應之曰小畜 健而異剛中而志行乃亨 五剛中正二與合德君子居中用事正氣得伸志可 剛] 柔得位六居四也上下應五陽也卦為一陰則四為 故 主故獨言其得位四得位而不能大有所畜者除柔 以為文王與紂之事似亦不必拘 健果決則能東正嫉邪異順舒徐則非 也此以卦體釋卦名義也 用壯 用罔

实 足四軍全書

周易淺述

密雲不雨尚往也自我西郊施未行也 尚往陽也指二五兩陽而言陽升而陰不能固止之 猶可亨也 不能固諸陽未能鬱蒸成雨所施未得行也然曰未 健異剛中志行乃亨也此以卦德卦體而言見陽道 行也乃亨乃者亦難之之詞陽為陰畜宜不亨矣以 以得行為亨也施未行陰也指六四 則非終不行上九既雨既處則畜極而雨陰施亦 一陰而言陰

灾定四車全書 象曰風行天上小畜君子以懿文德 能久盖對大畜言之謂山體剛而風質柔然不必泥 為風雨則澤施風則號令雖布所施猶未行此風行 志行于陰則曰未行則又扶陽抑陰之微旨也 行矣盖上九論 陰陽和則畜極而為雨陽氣盛而畜之不固則散而 全卦之體則有密雲不雨之象夫子象傳于陽則 天上所以為小畜也本義謂風有氣无質能畜而不 文之德則有畜極而施之理象論 周易浸述

初九復自道何其谷吉 道之象今時解皆從之謂如君子不援小人以進也 事也小畜未能厚積遠施所畜者小但美其文德如 與四為正應而能自守以正不為所畜故有進復自 言由其故道也本義謂初九居下得正前遠于陰雖 懿美也大畜多識前言往行所畜者大道德經綸之 下卦乾體純陽本在上之物故自下升上曰復自道 文章才藝之末而已

次是四年今三百 象日復自道其義古也 畜也此與本義不為所畜意稍異然于卦義為順以 初適與應自有畜象但九居初自處以正而所應又 然文義雖取進復全卦則取畜止四以 吉斷以義不待事後而始知也 都亦復自道之義也如此則无咎而吉可必矣 正雖為所畜而其進以道則不受其拘縻所以為小 人事言之則如孔子之于季桓子雖為所召而墮其 周易淺述 陰畜衆陽 七世

象曰牽復在中亦不自失也 九二奉復吉 むケレたと言 居中故能與初九牽連而復譬則君子同道彙在亦 吉道也 復今從本義盖五與四鄰主畜者也不得牽二下卦 三陽同志上進者也二漸近陰似不能復矣然以剛 王註程傳皆以二五同志為牽復本義以連初為產 初復自道固不失已二有剛中之德亦可同道不至

THE PROPERTY 九三與說輻夫妻反目 自失也 為毀折有與脫輻之象以陽遇陰受其畜而不能平 迫近于陰見制 破穀裂而後可脱三與四本非正應也志從上進 亦可為與取其健行如震為龍乾亦為龍不必從錯 按來註乾錯坤有與象今按坤為與取其能載然乾 取象也輻車於所以利輪之轉也輻无脫 于四為陰所畜不能自進互四得兒 問見淺迷 立 理 心輪 而

象曰夫妻反目不能正室也 六四有孚血去惕出无谷 金厂正屋之言 之奉復 乾為夫異長女為妻有夫妻象互四兒又為口舌互 象重剛非正故不能如初之自道不中故不能如 四五得離為目有夫妻不和反轉其目不相對視之 為卦主自制于四 夫不能正其室家由自處不以道也三剛而不中 四

次定四車之后 象曰有字惕出上合志也 之有有孚之象坎為血又為加憂四互三五為離離 傷害憂懼以其柔順得正虚中異體而五上二陽助 然則凶咎也 无憂得以无咎矣占者必誠信感人乃可遠害若不 坎之反有血去惕出之象血去身可无傷惕出心可 上合志謂二陽與四同心畜乾也 外卦主為畜者四又畜之主也以 周易浅进 陰畜衆陽本有

九五有字學如富以其鄰 有富泉推其富以助六四而畜之是為以其鄰之泉 比四有鄰象四陰虚乏而五陽實又異為利市三 非學固不可然唯五居尊能使之學如也上比上 中虚者信之本中實者信之質也學與奉皆有相連 尊勢能有為以兼乎上下四中虚五中實皆言有孚 之義二連初以上進有牽引之象五合四上以畜乾 五上同為異體與四合志畜乾者也而九五居中處 たとう 倍

くこうこうこ 象曰有字掌如不獨富也 上九既雨既處尚德載婦貞属月幾望君子征凶 言助四以畜乾也 皆有吉占而四五則否 以陰畜陽雖能有所畜終非聖人之所與也故初 不雨者既雨矣尚住者既處矣尚尊之也載積而淌 上九變異為坎為雨為月之象畜極而成陰陽和矣 也猶詩言厥聲載路也陰不盛不能畜陽今既雨 問りもむ 3

金人 象曰既雨既處德積載也君子征凶有所疑也 有孚而後可畜而乾上進者必有疑而後免凶盖 由積載而雨處則陰之積當防其漸矣異為畜者必 矣婦雖貞亦属戒陰不得 既處由于尊尚陰德至于積滿而然也婦德如 正亦属益陰盛抗陽如月之將望君子不可以 于陽必戰有凶象有所疑而豫制之或可免于凶 可失道以受制于陰也 正十八年·p首 卷二 加陽君子有征必凶戒陽 有 此 陰 雖

災定四車全書 受畜者以尚往而不受所畜為善故初得正應而二 為畜者以合志同力為善然主畜者有防患之危而 而征凶矣易之大方扶陽抑陰而此卦最重此意乾 僅免于咎以鄰者有學如之固而未得吉占至于畜 以剛中皆得吉占獨三以不中而非正應為反目異 目所謂征凶也全卦為小畜其象不雨故陽道可亨 也陽為君子上與三應上畜已極三進不已至于反 上爻變為需則雲上于天而雨則向之尚往者至此 周易浅迷

盛也占者得此當各從其類以為占大抵,陽為君子 其吉凶不可執一以論也又按來註以五上二爻不 為夫為大事為善陰為臣為小人為妾婦為小事為 君子陰為小人五上不宜佐小人以防君子又以家 宜作同力畜乾宜作與陽同德引陽尚往盖謂陽為 惡又論我之所處主于畜人或受人所畜隨事以求 剛中志行為陽之亨故以德積載為載三陽俱 而成猶云雖正亦属雖戒君子之征實畏陰德之 次定四軍全書 家食此正小人引用君子之時也若上變為需則畜 畜暴就全卦言之故以五為剛中志行若單就五 所引不受其牢籠故陽德猶可亨猶可往所以為小 楊龜山乃可為小畜盖牢籠羈縻之而已君子雖為 爻而言自宜主畜乾之說盖 五變則為大畜君子不 之也正欲引用之耳如季桓子之于孔子蔡京之于 人之解即以君子小人論之小人之畜君子非盡害 不知陽雖可亨而卦本取于畜原不必拘君子小 月易浅述 十九

極而陰已盛矣故戒君子之往非能載三陽以上也 **履卦下兌上乾兌** 陰見于二陽之上其德為說其

常也禮之本也常復之道也又內和悦而外尊嚴禮

象為澤天在上而澤居下上下之分尊甲之義理之

故受之以履物既畜聚則有大小之别高下之等美

之象也故為履履卦次小畜按序卦物畜然後有禮

惡之差而禮起履所以次小畜也人之所復和悦

谈定四事全書 厲初言往上言旋一進一反有踐履之義初陽履剛 故六爻以剛復柔者吉以柔履剛者凶以剛履剛者 上陽剛中正在下和柔甲順禮也人之所覆當如是 遜斯為有禮全象以和柔躡剛强之後處危而不見 祥皆以則履柔能行而不輕于行所以古也六三之 也此全象之大首也又禮主謙柔陽交處陰位謙 九五陽剛居尊所履中正其道光明有亨之象在 下而无咎九二之幽人九四之憩憩上九之考 1月易浸述

履虎尾不咥人亨 前而兒以柔 承之也本義以履為躡後之義謂乾前而兒後剛 跛履以柔履 之泉人之入世多近危機不為所 程傳以履為承籍之義謂乾上而兒下乾乘免而 乾 **履能行而決于行所以厲也此六爻之大略** 剛强 有虎泉兒以和柔躡之 和踵 刚不能行 其後也今日 而 强 按虎尾字則躡之意為 于行所以凶也九五之 有履虎尾不見 傷乃見所 傷 在

次定四車全書 象曰履柔履剛也 說而應乎乾是以復虎尾不咥人亨 以柔 乾 此 必作踐履于彖傳柔履剛句不通矣 應剛謙以自處其道自亨惟禮可以免禍也按來 兒錯民為虎泉遂以履作踐履之履不知震為龍 以卦德釋彖辭也以允說應乎乾剛則 亦為龍取其陽也良為虎乾亦為虎取其剛也若 弱躡剛 强之後此以二體釋卦名義也 · 周易沒述 和 註

象曰上天下澤履君子以辨上下定民志 剛中正履帝位而不疾光明也 立卦之義取乎踐履人之所履禮而已矣禮者所以 言外之意 各者也德盛輝光功業顯著豈不亨乎此又發象群 川頁 四互為離有光明象以剛居尊位而得正所履之无 上文釋象已畢此又專就九五一爻推廣其義二三 而不拂可以亨矣 災軍四軍全事 初九素履往无咎 志安馬位或未稱則君進之士修其學學至而君求 倖求利分不明則志不定治所以難也此君子觀履 无所貪也此上下之志定而天下之治定也後世位 之已无所慕也農工商賈各勤其業所享亦有定限 辨上下定民志古人位必稱德終身居之得其分而 之象而分别上下使各當其分以定民志也 不稱德則上下不辨不辨則公卿妄意尊榮士庶儀 月易浅迷

泉日素履之往 谷可无矣 初 雖陽位而在下在下能安其素不變所守雖未 所 不願乎其外也民有志必辨分而始定士有願 无應故 謂素位而行可无咎也六爻皆以陽居陰為善初 行其素矣 以陽在下居履之 曰獨獨行其志願 獨行願也 初未為物選率其素履以 不為紛華所奪即 得吉 PIT 則能 往 謂

改定 日車主 九二履道旦坦幽人貞吉 雞 居中道也剛而居柔坦也在下无應幽也坦則平易 矣以陽居陰不得言正而曰貞吉者戒辭恐其幽靜 而无險阻 之過坦坦則不為索隱行怪以驚世駭俗宜其貞吉 幽 二變震為大塗履道坦坦之象剛中在下无應于上 久剛化為柔故戒以惟貞則吉也此卦二五皆 獨守貞之象人之所履未有不合道而吉者以剛 幽 則恬静而不炫耀又幽獨之人多賢者 月易茂述 1

泉曰幽人貞吉中 六三眇能視政能履履虎尾咥人凶武人為于大君 中二負吉而五貞属者二 之道 互四五為巽有股象兒為毀折 视 有中德在幽 岡川 不正曰眇行不中曰跛六三五二四為離 居柔所履謙下禮之本也故六文唯九二盡履 而貞外物 不自亂也 以剛居柔五以 不得而亂之也 有助政之象逼近于 剛 有目泉 居 剛 D

欠こコニハニョ 象曰眇能視不足以有明也敢能履不足以與行也空 欲統五陽又以兒陰變為陽為純乾有武人為大君 占為凶又如剛武之人得志肆暴必不能久也 之象六三不中不正柔而志剛以履乾必見傷害故 自以為能視明實不足自以為能履行實不足及柔 之凶位不當也武人為于大君志剛也 人象陽主寬和陰主肅殺六三以 有履虎尾之泉獨與上應履其尾而首應之有咥 周易淺述 陰為成卦之主 画

九四履虎尾憩總終吉 為虎此交又以五為虎唯五以剛 想想畏懼之意九四亦以不中 居三其志務剛皆山道也 言履虎尾而吉凶不同者全 以剛居柔故有履危知戒而終得吉之象全卦以乾 不足位剛 不咥人亨三以柔居剛故咥人 故自以為能不中 卦以 不正位之不當以柔 不正履九五之剛然 居剛也卦象爻 和 而凶四以剛居柔 説 履乾剛之 後

卷二

災定四車全書 泉田想想終吉志行也 必拘 故畏懼而吉也二與四皆以剛居柔而二有坦坦之 想者其志得行而人可審所履矣時解以此及作大 以剛居柔謙志得行所以終吉志剛者不足與行想 安四有慇愬之危者二得中而四不得中也 近君也柔順以事剛決之君得行其志也亦是但不 臣畏慎得君行志言盖初曰獨行遠君也四曰志行 月易浅迷 主

九五夫履貞属 則厲 行无所疑 貞吉喜之也在上者不患其不樂患其不能憂故 盖在下者不患其不憂患其不能樂故二之復坦曰 剛 九 大履曰貞 在下者 五以陽剛中正履帝位而下以兒說應之凡事必 何也盖以全卦言六爻未動 礙故有夬決其履之象然在上者純 主于悦君騎臣 厲 戒之也然彖解刚中 謟 2 漸 剛中正所以為善 正 也故雖貞亦属 光 明 而 任 交 辭 其 五

次定四軍全書 象曰夬履貞属位正當也 上九視履考祥其旋元吉 夬決在本卦上決下說變又上下成睽比所以屬心 此就九五一爻言之且變乾為離自恃其明愈過 履 始終故以其旋為元吉旋謂周旋无虧久也吉事有 四 剛居五正當尊位傷于所恃故也 上與小畜上皆不取本交義小畜取畜之極從六 陰來以陰盛為凶履取履之終合諸交而觀其 人 一 浅述 支

象曰元吉在上大有慶也 亨乃見所復之善剛而居柔乃獲所履之古觀履 亦 大吉也意同本義而解旋字更順 旋為句言周旋中規折旋中 无虧欠則得大善之吉矣又按來註以視履為句其 大也全卦以履為禮又取踐優為義大抵危 心難于有終元吉在上是所履至終大善故福慶 祥非外來視吾所優則祥可考若以此往此旋皆 矩則履之盡善者可 而能

吉出而處世可悟矣

泰卦乾下坤上內陽外陰天地氣交萬物生成君子

後安故受之以泰盖履得其所乃得安舒履所以次

之以泰也泰以中為善故二為輔泰之臣五為保泰

進用世道方亨故為泰泰次于履按序卦獲而泰然

災定四軍全書

之時矣三為消長之會猶可有為上則極盛而衰

周易浸注

之君皆得吉占初為君子進用之始四則過中欲否

泰 卦也陰小陽大坤往居外乾來居內以綜卦言之有 泰通也天地交而二氣通故為泰內卦三陽正月之 泰之不易雖曰天數不可無人事也 小往大來吉亨 而後得泰乃過中而否之幾伏矣甚矣致泰之難保 訟以平之師以衛之比以附之畜以聚之履以辨之 免于各矣自有天地人物以來蒙以教之需以養之 往大來之象占者有陽剛之德則吉而亨也盖坤

彖曰小往大來吉亨則是天地交而萬物通也上下交 人君子道長小人道消也 而其志同也内陽而外陰內健而外順內君子而外 以氣言順健以德言此二句造化之小往大來也 臣上下之分不可交而心可交交則君臣同德陰陽 天地高早之形不可交而氣可交交則萬物化生君 而內故曰來往者去而來者當時用事故為吉亨 本在下之物自下而上故曰往陽本在上之物自外

改定四車全書

月易浅迷

象曰天地交泰后以財成天地之道輔相天地之宜以 居中而制其命小人在外不為无措君子之氣已伸 持世運者所當知也然小人必不能盡去但使君子 者聖人之心泰否之機歸宿于君子小人之消長主 天下已泰矣 不能相無者天地之氣而欲天下皆君子而無小 往來之義陰陽健順君子小人 子小人以類言此三句人事之小往大來也內外釋 釋大小之義盖陰 陟

左右民 次定日華之后 相皆所以 適言輔相 流行相續里人分之以春夏秋冬地形廣邈交錯里 天地之道以形氣全體言財成以制其過也如氣化 畫而為泰而泰之陰陽各三是泰由陰陽无過不 限之以東西南北之類是也天地之宜以時勢所 **飲高燥下濕里人使高黍下稻之類是也裁成輔** 左右輔 ۲Z 補其不及也如春生秋殺聖人使春耕 助乎民自乾坤以後陰陽各三

問易淺述

テカ

初 而成 在 故泰否初交皆有拔茅茹之象如根之牽連者三陽 乾 九拔茅始以其彙征吉 之時占者有陽剛之德則往 其鄰三陰欲復而以之者在四小人 陽欲進而 F 初變異坤 初 故既泰之後裁其過補其不及所 動 则 初變震皆属木三陰三陽皆相連以 ΥZ 相連以進衆君子同德以升泰運 之 者 在 卷 初君子與君子為類 而 得古矣初曰以 、與小人為類 以保泰 也 b 其熏 初 四日 閒

发已日面在面 泉曰拔茅征吉志在外也 九二包荒用馮河不遐遺朋亡得尚于中行 當保泰之任有宜包容荒穢之象以九合五成坎河 卦內君子而外小人三陰在外荒穢小人之象九二 象乾健臨之有馮河之象五陰在外隔三與四遐 君子之志在天下不為 也初曰征吉四則否者易為君子謀也 周易淺述 身故當泰之時志欲上進

金ケロたと言 荒使小人無所容則非中然能包荒而无果斷 中也二以中上應乎五有包容之德以剛應柔又有 乎五遠人在所懷居中不倚近者亦无可昵剛柔 馮 之象二應之不遺遐遠之象三陽朋象二居中不偏 上應乎五專意事君不立朋黨有朋亡之泉泰欲得 不遺遠而君子在近自成朋黨亦非中也二遠應 河之勇遺奪球遠使小人不得效其力固非中 一大臣輔泰者當使君子小人皆得其所不能包 卷二 亦非

欠已日子 かいる 象曰包荒得尚于中行以光大也 不能上輔乎五而保泰矣故二曰尚五曰歸所謂 行願盖泰欲得中上有中行之君下非有中行之 固為中行今日尚則中行又指五也五之象日中以 濟无偏无黨合四者言之合中行之道也然二居中 下交而志同曰得尚喜之之解也以陰交言五取小 變為離有光大泉人惟心胸光明正大故能兼容 以位言又取君此又不可為典要者也 周易淺进 圭

福 九三无平不败无往不復報貞无咎勿恤其孚于食有 者 九三將過于中泰將極 果斷不至遺遠而昵近獨言包荒舉 无常往而不反者唯艱危其思慮正固其施 惕 往外則為改陰出外 无咎恤憂也学理之信然者也食享之也平 有難貞泉變兒為口食泉天下无常平而 卷二 為往返内則為復乾三朝 而否欲來之時也陽居內 **ド**ス 該其餘 為 不 乾 為 也 陂 则

1.1.1 Jan 10.1.1.1 六四翩翩不富以其鄰不戒以字 泉曰无往不復天地際也 六四已過乎中有泰極為否之漸六四一陰既動則 古本有无平不败天地際謂陰陽交會消長之際也 勿恤者人事所當自盡也 能艱貞矣唯盡其處泰之道而不以此為憂恤則 以食享其福也盖平陂往復者天運所不能无穀息 往復天運之必至而信然者也若以此動其心則不 周易浸述 Ξ 可

泉曰刷 失實調陰虚也 而 拔 而 虚 五上二陰同 于小人乃中心所 茅 下復 内 故 翩 以自下而上升之難也 不待戒令自然 曰不富鄰 不富皆 之易 也 類 レス 失實也不戒以手中 有 指 失實恐不容于君子欲傷正勢必 五上 翩 相信 原頁 然而 卷二 也 γZ 君子所當戒也陽之 四 下 陰之復曰 不 ٧Z 之也小人合謀自 約 而 心願 同之泉陽實陰 扁羽 也 翩 バス 升 自

シンコー シュニ 六五帝七歸妹以祉元吉 從程傳盖以陰居尊為泰之主柔中虚已下應九二 制王姬下嫁之禮本義謂帝乙歸妹時占得此文今 天乙左傳謂斜父為帝乙姑兩存之程傳謂帝乙始 五一久言之 以柔中之君倚任剛明之臣可以保泰獲福有帝女 之貴下從其夫而受福之象全卦三陰皆為小人 三四五互為雷二三四互為澤有歸妹象史謂湯為 則保泰之君不可執 問易没述 論也

象曰以祉元吉中以行願也 上六城復于隍勿用 金厂正人生是 抻 理曰復者反其初也坤為我有師象又為國土有品 頹 居 如治道積累以成泰及泰之終将反于否 也若言其質則 扡 土復反于下有城復于隍之象掘隍土積累以 中應二行其志願 復反于隍也坤上為泰坤下為否以陰陽之 一坤土本在下之物在上有必颓 師自邑告命貞吝 非勉 强 也 如 城

WIND DIEN LIAME 象曰城復于隍其命亂也 未危而播告之修不能及遠雖正亦可羞矣 君子並進二為保泰之臣三則陰陽消長之會也四 來為義故內三陽属泰外三陰属否初為泰運方開 命政令也其命先亂故至于否不盡関天運也告命 亂窮守一邑罪已下詔収拾人心可也然不能保邦 象泰極而 否衆心已散難以力爭勞民傷財必至散 乃盡人事以治之非付之不可為也全卦以小往大 周易淺述

金人区居人 無時不宜自盡也 為過中將否之時五為保泰之君上則泰極為否之 而不敢自弛于泰極之日雖天運有所必然而人 日也泰以方中為幸故二五皆能保泰初陽始進 否卦坤下乾上天地不交萬物不通隔絕閉塞故為 可幸四陰方動則可憂三陽已極則親貞猶可有為 上陰已復則命亂已難于治唯聖人保于方泰之 卷二 則

欠このとこれは 極必塞氣化之常否所以次泰也否與泰反故全象 志之時三則小人有知羞之意四則否過中有將泰 否否卦次泰按序卦物不可以終通故受之以否通 者當盡人事以回天心也 無終泰亦无終否此天人所以常相勝而主持世道 三爻漸極而為泰初為小人用事之始二則小人 辭皆與泰反而六爻大意亦然內三爻為否而外 '機五則人君体否之事而上則否傾為泰矣天運 周易淺述

否之匪人不利君子貞大往小來 矣其占不利于君子之正道負有何不利但此時 來居內也泰先言小往大來而後言吉亨否先言不 否閉塞也三陰在內七月之卦也匪人非人道也天 利君子貞而後言大往小來聖人以泰歸之天否責 交而萬物生萬物唯人最靈不交則不生人道絕 用事不利于君子之貞大往小來調陽往居外 卷二 次定四車全事 象曰天地不交否君子以儉德辟難不可祭以 |豪口否之匪人不利君子貞大往小來則是天地不交 内柔而外剛內小人而外君子小人道長君子道消也 而萬物不通也上下不交而天下无邦也內陰而外陽 言其質而已 言剛柔者泰天地之氣交故言其德否氣既不交 言剛柔以地道言君子小人以世道言泰言健順此 无邦謂上下隔絕雖有邦與无邦同也陰陽以天道 周易浅述 弄 禄

初六拔茅始以其柔貞古亨 為君子也小人尚得故戒之以貞也然君子小人有 其彙之泉然初之惡未形故許以貞則吉亨欲其變 三陰在下當否之時小人連類而進亦有拔茅始以 象乾德之剛遠避于外也 **飲于內也德既飲藏人不知我故不得以禄位祭之** 何定名能貞則君子矣易為君子謀否乃不利君子 収 **做其德不形于外以免小人之忌泉坤陰之各** えこうえんこ 象曰拔茅貞吉志在君也 念則不計其私變為君子矣大抵小人初進猶有君 其身故曰志在外否初六應九四九陽也君也初六 國之念其後乃患得患失之心日勝 志在爱君不自植其黨故曰志在君小人以爱君為 貞之時乃戒小人以貞為小人謀正為君子謀也 此文為始進者戒之小人君子之分視其志而 初九應六四六陰也民也初陽志在澤民不獨善 . 周易爱述 彌縫奔競 日工

六二包承小人吉大人否亨 金ケロルと言 否以求亨也初惡未形故不曰小人二則直以小 稱矣初曰吉亨猶望反否為泰二則否亨遂成否矣 而道可亨不可以彼包承于我而失其所守妄意出 如是在小人為吉道也然大人處此則當身安于否 之小人有欲包羅韋陽而以承順取之之象小人能 否包承與泰包荒同否對外卦三陽言六二為得位 小人不安于否求亨何所不至故否亨者大人之事

六二包羞 象曰大人否亨不亂犀也 非小人之所能也 以陰居陽不中不正欲包羣陽故有包盖之象三否 之極小人之在髙位者故亦欲包產陽然二居柔猶 三陰小人之羣也大人妄意出否以永亨則入于小 之犀矣身否道亨乃不亂于其犀也 永順乎君子所居中正故吉三居剛故不言承所

CA. 17 50 114.15

周易浅迷

兲

象曰包羞位不當也 其惡猶有所包藏且君子終有有命之時小人亦不 居不中正則取羞而已包承如彌子之于孔子包盖 能无愧于心故猶懷羞恥以其惡未肆而知羞也故 善類盡減之理君子有否亨之道小人亦不能盡肆 則丁謂之拂鬚是也三否已極矣然世雖極亂必无 不言凶咎之戒 小人所以包而取羞者豈心之所甘哉但以不中不

7.17.12.1 九四有命无谷疇雜社 皆天命也泰變否易故于內卦言之否轉為泰難 濟否也本義以命為天命泰極而否否極泰來天之 天我不致各轉類三陽皆可獲福之象盖否泰之運 所命即泰三平陂往復之義也今從本義為優九四 程傳以命為君命謂九四近君凡事必由君命以圖 正所處之位不當故耳開小人以悔過也 以陽居陰不極其剛否過中而將泰之時有有命自 周易浅述 弄九

象曰有命无咎志行也 其獲祉戒小人也君子有命自天當否有可亨之道 自立于无過而後可為福而後可為轉類之福也泰 否極有泰來之祉小人之欲包君子者不誠可羞哉 彌子謂孔子主我孔子亦曰有命即此意也 三平 咎而後離祉盖乾坤交接之會陰陽消長之際必我 外卦言之泰之三必无咎而後有福否之四必无 股往復冀其親貞勉君子也否四有命无谷喜 卷二 **欧定四車全事** 九五体否大人吉其亡其亡繫于苞桑 行也 有命自天又必无咎者人與天合轉否為泰之志始 繫之之象二五皆以大人言二有德無位故守其否 者其固尤甚也三四五互為異木苞桑象異又為繩 必常存危亡之心乃有苞桑之固桑根深固苞散生 此文者大人遇之則吉也然方欲休之否未盡傾故 九五陽剛中正以居尊位能休時之否大人之事占 周易浅述

象曰大人之古位正當也 上九傾否先否後喜 同 唯有位故能体否與二之大人否亨者德同而位不 以陽剛居否極能傾時之否者也不曰否傾而曰傾 懼之心不能為体否之事未可盡聽之天也 與小人並言五否已過則大人獨居其位矣然非有戒 而道亨五有德有位則能体時之否矣二時方否故 也无位時不能否亨得位未有能体否者

象曰否終則傾何可長也 次定四軍全書 喜先有其亡之懼則終有傾否之喜也 欲泰之機五之体否則有轉泰之事至傾否則否極 成三則小人知羞否之極矣四之有命否已過中有 大往小來之義內三陰皆属否外三陽則漸為泰初 天下无終否之時必有陽剛之才以傾之也全卦以 否不恃天運而貴人事也變兒為悦有喜象先否後 人之惡未形猶可不至于否二則小人得志否之 月易浅述

同人 言否亨之大人則因及起義不可執一也 位卦中上下五陽同欲二之一陰而二五又以中 象上乾為天為君下離六二一爻在離之中居人之 為保泰之主否以三陰在內為小人而六二中正可 文明其象為火為日為電天在上而火炎上有同之 為泰矣泰以三陰在外為小人而六五居尊應二又 、離下乾上離一陰麗于二陽之間其德為麗為

Call Die Like 濟同人所以次否也同人取其大公不欲其狹 為否上下相同則為同人又世既否必與人同力 如 為成卦之主然以私係而各反不如初之无私猶 否按序卦物不可以終否故受之以同人天地 不交則 公至正乃可以有為此全象之大吉也六爻雖以 咎也三四與五争二而不克同者然三怯于 四之反于理為得吉也五雖為三四所隔然終 何易 淺述 里 力不 11.

相應有以天同人以君同人之義故曰同人同人次

金定区屋人 同人于野亨利涉大川利君子貞 貞之泉同人于野其同也大利君子貞其同也正 之志合六久而論之欲與人同貴于公正又可見矣 文明而外剛健中正有應君子之正道也有利君子 之象乾性健行同則可以濟險有利涉大川之象內 性光明正大其勢曠遠无私有同人于野而得亨通 天火性同二五中正德同五陽喜陰情同天與火其 正應而得同上雖免於三四之争然以遠而終未遂同

C.17. 卦六爻之中兼正不正言之唯正則為君子此夫不 子之周也同人以 獨坎五一陽得正故象有元永貞則其比所以為君 同卦名取比與同者何也盖比以 正者矣故又戒以正為本占者能大公至正則可亨 能大同有亨之道故大川可涉然有所同大而未必 正故录言利君子貞其同所以為君子之和也至兩 大有所為矣又按夫子言君子周而不比和而 ..! 陰為五陽所同唯二五之應以 7 3 卷水 一陽為聚陰所

同人 **蒙日同人柔得位得中而應乎乾日同** 金写四库在書 同人于野亨利涉大川乾行也文明以健中正而應君 赞易之外又有周而不比和而 乾固名同人矣然卦解曰同人于野亨利涉大川者 舊作行文來註謂叙述卦辭而釋之語氣謂六五應 柔謂六二乾指五此以卦體釋卦名義 何也起下乾行句為是 曰 不同之說也

欠三日百百百百 子正也唯君子為能通天下之志 正者人心所同然君子唯以正而天下之志已在吾 義外剛健則能克已盡乎大同之道二五皆居中得 矣至于利涉大川非二所能乃乾以剛健之天德同 乾行句釋利涉大川之由二為同人之主應乾固亨 正內无私心而外合天德凡此四者皆君子之正道也 之釋利君子貞之意內文明則能燭理明乎大同之 乎人以涉險故曰乾行也文明以健二句合二體言 周易浅迷

聚曰天與火同人君子以類 金グピレノ 祁刀 所 物 カ 天在上而火炎上 有辨者于均 同 各族殊分法乾之无私者于殊分之族 所 同人于門无咎 異中之同也辨 V ス 利君子貞也 初變民為門 思之 同而異異而同 物 物者火之所 而 有門象同于門外 辨 族 辨 析 其異同中之異 物 也 及 類 凡 物 族者天之生 雖 果 而 非野 股法 類 业 聚 離 其

六二同人于宗各 次定四東全書 象曰出門同人又誰咎也 至于野而非私 其无私人不得而咎之也 之者他卦又誰各有在我取禍无所歸各者此則謂 門以內家人也于宗是也門以外天下之人也雖未 剛 在下上无係應占可无咎 比然亦所同者廣而无私同人之初未有私主以 昵矣必出門 周易淺述 而所 同乃大人自无咎 四五五

象曰同人于宗各道也 六二中正有應于上在一卦為同之主宜得吉占然 同之道貴乎大公二既專有所應則不能大同矣又 宗黨也乾為諸卦之祖離中變為乾有同于宗之象 各盖全卦取大同之義于爻義又示阿黨之戒也 各則自吉趙山本以相應為善反以過于私暱而得 以陰從陽臣妾順從之道也故吝易之悔自古趋吉 而不公有可各之道也

九三伏戎于莽升其高陵三歲不與 為正應三剛而不中欲同于二懼五見攻伏于下以 離為戈兵有戎象二三四互為異木有恭象二與五 泉三居下卦之上下窺二之動有升其高陵之泉自 何五之隙有伏戎于莽之泉三變陰互為艮有高陵 三至上三爻上无正應有三歲不與之象三欲同二 久不敢動 非正應則理不直五居尊位勢又不敢故三年 此 强同而不得者也 周易淺述 里

金好四库全書 象日伏戎于茶敵剛也三歲不與安行也 九四乘其媚弗克攻吉 敵 白反不克攻之泉能改過 故有乘墉以攻之象然以剛 四 一伏于斧自下而何五也四之乘掮乘三以攻二 安能行乎 剛不中正欲同六二而為三所隔自三欲下取 剛指五安行言上无應必不可行至于三歲之久 卷二 可以得吉則賢于三矣盖 居柔知二非正應故有

泉曰乘其捕義弗克也其吉則因而反則也 C. 17. 1 2.11 陵下之志然三以剛居剛懼五之攻屈于勢也四以 同而終能改過者也 剛居柔終不克攻反于義也反義得吉道矣此始强 天則之不可踰忘欲攻而知義不可攻困于心而反 已乘其埔則力非不足也斷以義而弗克攻耳義者 一惡五之親二故有犯上之心四惡二之比三故有 則能改過者所以吉也與人同善事也乃三四 問易淺述 艾

九 皆有争奪之象四乘掮有其意三伏恭則已見其形 五同人先號咷而後笑大師克相遇 者所宜戒也 矣四惡二三所欲攻者臣三敵五 五變為離互三四又為兒為說又火无定體故有生 其 五, 世者不可不知而三四有吉否之不同又好剛 剛中正二柔中正本正應也而為三四所 同然正應者終不得 而間 也隔于三四號此之泉 則欲攻其君矣涉 隅 不得 磘 [6]

金完四庫之言

J. 10. 1 ... 泉日同人之先以中直也大師 與大師 相孚于大同乃不免于先號後笑用師以克如敵國 交言之終未免于私各故不得言吉也 之争何也盖以全卦言之以大同為亨而就二五 正應相遇之象九五大君三四以臣隔君大逆也故 號咷而後笑之泉離為戈兵有大師象三四剛 以陽剛之德勝之故有大師以克之象二五終為 以克强暴而後遇正應也然人君宜與天 問易淺述 相遇言相克也 二二 强

金厅正库户言 上九同人于郊无悔 以无悔 乾 也 不 于郊之泉野速而郊 同 有郊泉居外无應去陰已遠物莫與同故有同 理直故不勝其念先至于號呢也直即正库戶 相遇必由于中直乃克非至正无以通天下之志 郊 在 郭外荒僻之處无人可同也然无所争 近但野日 乃大衆往來之道无 君子之正

象曰同人于郊志未得也 くこうえんこ 彖同 得為主吉山與象異者則此卦之二五是也盖論全 久曰无悔以其无争于人喜之夫子則以不能同 人之忘亦未得遂也易卦有以此交為主而吉凶 若就 病之唯君子能通天下之志今无人可同則于同 五陽同一 者如屯之初比之五是也有成卦在此爻而不 一爻論則所應既專在我有私暱之嫌 陰又二五皆中正故有曠迹无 周易淺述 學九 與

不能也 皆不及全象之德君子欲通天下之志非大公至正 有忿争之事矣故二各而五不免于號呢三四皆争 大有乾下離上火在天上其明及遠萬物畢照有威 上以遠而志不遂初亦以 比二而僅免各六爻之義

所有者大之義故曰大有大有次同人按序卦與

大豐有之象又一陰居尊衆陽並應易以陽為大

有

金少四月月三日

吹定四車主書 起義初遠五而有艱二應五而无咎三以公而亨于 在 則 稱 同者物必歸馬故受之以大有衆物所歸所 五 大者小畜陰居四欲統諸陽其勢逆大有陰居 有所以次同人也小畜亦 明之德自可大亨此全象之大首也六爻皆從五 位尊以統諸陽則勢順故小畜之亨不在六四 以柔居尊而為上下所應合全卦又有內剛健 上下五陽大有之元亨不在上下五陽而在六五 月易淺述 陰五陽而曰小 有乃大 此 而 則

大有元亨 象曰大有柔得尊位大中而上下應之曰大有 大略也 亨亦大矣皆治世極盛之象也 與諸久之有皆六五之有豈不大哉所有者大 中五陽宗之乾健離明居尊應天尊位能柔物情 大有所有之大也火在天上无所不照 五 四以 謙 而 能承五上以近五而獲天祐此六爻之 陰居尊得 則其 所

次定四軍至雪 其德剛健而文明應乎天而時行是以元亨 諭人君之德能致元亨之治也内 乎乾而為同人我同乎彼界附于尊之解也柔在上 同人大有 乎下之義也此以卦體釋卦名義也 日尊位曰大中曰上下應而為大有我有其大上統 位能有眾陽之大自其德剛健以下兼上下兩體以 節自柔得尊位以下專主六五一及以論人君之 一柔五剛均也柔在下日得位得中曰應 月易浅述 剛健則克勝其私

1/2 炙 其有之大所 時而已憲天出治順時而行是以大亨也 應 无惡君子于惡之未著者過絕之使不復作善之 PL. 曰火在天上大有君子以過惡揚善順天休命 物未見 文明則灼見其理上下應之者衆陽應乎六五 天時行者五以柔應乾二之剛也天之道不外 楊之使樂于為去惡歸善所以 則有无不可知火在天上无 有 既大不可无以治之也天命 順 物不照始見 天休美之命 有善而 隱 业

初九无交害匪咎親則无咎 易有害初居下位凡民而享大有家肥屋潤人或害 害者害我之大有也富者怨之府故當大有之時最 初陽在下上无緊應未與物接去離尚遠未涉呼害 以此治身故本義云反之于身亦若是而已矣 也謂之順者天討有罪吾遏之以天天命有德吾楊 以天于我无與也君子在上則以此治世在下 雜為戈兵又以離火克乾金有惡人傷害之象而 周易淺述 則

大王日三人三百一

象曰大有初九无交害也 九二大車以載有攸往无咎 金にとたとこ 載者言車則以其全體而言引之以馬之健行之以 坤為大與九二體乾而曰大車者與指軫之方而能 交則有害處界无應未有驗盈之失得以无害故也 之義親則无咎則處此久之道也 故必艱難其志慎終如始乃得无咎盖匪咎者此爻 何咎之有然自以為匪咎而以易心處之反有咎矣

象曰大車以載積中不敗也 欠足曰: 本人不言 九三公用亨于天子小人弗克 吉者處大有之時任天下之重分所當然得以无咎 車大足以任重雖多積于中而車行不至于敗也 而 如是而有所往可以无咎可以任重而致遠也不言 輸之國皆乾象也況九二以剛居柔柔則其虚足以 已此大臣才德兼全足以任重者也 剛則其健足以行有大車象上應乎五載上之象 周易淺述

金ルレルんと言 亨作享按本義作享獻之享時解因之取大臣獻替 為優三四五互兒為口三變六為坎有飲食象九三 之義令按左傳卜偃戰克而王享之言作宴享之享 子之罷祭若不然則雖有享宴之祭亦負素餐之愧 小人弗克之象占者得此有剛正之德則足以受天 中下賢有亨于天子之象然三變六為陰為小又有 居下之上剛而得正有公侯之象上有六五之君虚 也此與本義稍殊然于卦爻較切

象曰公用亨于天子小人害也 J. 17. 1 Line 九四匪其彭无谷 近離火與初无交害者不同故有害 震為鼓有彭泉大有皆六五之有也然以柔中居尊 盖彭矣近君聲勢不宜太盛唯以剛居柔雖盛大而 而九四以剛近之且居四陽之首率諸陽以進盛多 彭鼓聲又盛多之貌即大有之大也四變中互為震 小人妄切君龍反為害也乾金三變為兒亦金也迫 司易淺述 줐

金只正是人書 六五厥字交如威如吉 象曰匪其彭无咎明辨哲也 四為雜之 不自有其大非明哲者不能故曰明辨 明僣逼震主則柔中之君有所不安矣當大有之時 不有其大故有匪其彭之象占者如是則无谷也 乃别嫌多懼之地辨其所遇之時乃威極將衰之 凡事贬損以處之斯哲然明理見發者矣 初有明替之象有威大之勢而无燭理 卷二 辨其所 居之 2

7.17. 當大有之時柔中居尊上下孚信然太柔則人心玩 僅 兵濟之以威所以吉也初曰交害五曰交如者臣有 大有矣故曰吉 交則私故害君有交則虚故吉也三有戒辭初二四 九二上下歸之有交如之象一變純乾有威如之象 六五為大有之主離體中虚有厥孚之象柔中以應 可免谷而君能剛柔並用使上下泰交則可常保其 得无谷獨五言吉者當大有之世盡臣道之常僅 司易後述 주

東口厥孚交如信以發志也 金定正屋之書 上九自 天祐之吉 无不利 威如之吉易而无備也 恐人心慢易至于无備故威不可无也 五以陽從陰處或時居高位享自然之福有自天祐 大有唯六五一陰而上下五陽從之上九能下從六 同也 人之信以發上下孚信之志所謂上下交而其志 卷二

The Die Kind 皆不言所以致福之由故繁辭謂履信思順尚賢盖 其所處之位以為占大抵有剛 久合論對 之象時解 于五尚賢也天助 五之交孚信之也上能復之謙退不居思順 之之象曰天祐曰吉曰无不利其為福多矣象及傳 郧 重于君也大全 作人君信 五而言之也然皆 N. 順 作功成身退之者舊質師 順下賢以你有此繁辭傳大意 り消述 助信有自天祐之古无不利 不 迟 明之德居崇高之 拘占者得之 . J. 也志從 亦隨 就六

金少世人生 象曰大有之吉自天祐也 世之逸民也上之順五功成身退之者舊或在質師 卦為威世至治之象以六五之君為主初之无交盛 得天之祐者而以人事言之唯履信思順尚賢則古 之位者也中交三位為臣二大臣當大有之任者也 上居君上有自天象曰自天祐之言其非俸致也全 也 外臣也以公侯而受龍者也以不中故有戒辭

124 July 124 July 124 July 124 July 124 July 126 July 126 July 處其下為謙之象故曰謙也謙次大有按序卦有大 乾 故與初同无咎五以中虚之信孚乎上下又一變純 近臣也近于君而自抑 謙卦艮下坤上內止外順為謙之意山高地界屈而 保其大有乏或治 剛以濟之上下交應剛柔並用君明臣良故能長 رالد 損者也以剛居柔臣道之宜

飲足四草全書

.

1. 問題建

五七

者不可以盈故受之以謙大則易于滿盈道

謙亨君子有終 Ξ 謙 地之下皆有而不居者也他 謙者有而不居之義止乎內而順乎外山高而處乎 吉 レス 所以次大有也全象極言謙德之亨六久雖以 他卦始亨而未易保其終唯謙則 矢口 川頂 所處矣 則多利 陽為主然內三爻皆古外三爻皆利盖静 六十四卦未有如謙之盡善者君子可 卦或有待而亨謙 始跳界 -而終益 則 则 即

象曰謙亨天道下齊而光明地道界而上行 天氣下降以濟萬物天之謙也化育之功光明著見 雖不居終有成就故有終良終萬物亦有有終之象 尊始雖晦而終益光盖謙者人情所樂與故必亨始 謂謙之有終也本義謂先屈而後伸是謂亨之有終 程傳謂小人雖暫謙未必能久唯君子終身不易是 若暫時勉為謙恭偶然倖獲通泰皆非君子也 也然二意宜兼盖君子唯始終能謙所以始終能亨

大乙ヨミ人はる

周易淺述

季

人道惡盈而 金り 天道虧盈而益謙 虧 與思神 盈盆謙以氣言日中則是月滿 以交于天則謙之亨也天地猶 以形言高岸為谷深谷為陵是也害盈福謙 謙之亨也地勢早順處物之下地之謙也其氣 则 拾損 好謙 乎此以天地言謙 謙則受益是也惡盈好謙以情言滿 謙尊而光界而不可喻君子之終也 地道變盈而 流 之必 謙 亨 思神害盈而 則 不 敢以 缺是也變盈流 自滿況 バス 福 理 謙

次定四軍五雪 光艮體也三居上卦之下有早象不可踰德莫之 德愈光人處早則皆得而踰之謙者處果所謂我自 于謙也然六爻皆以三為主三居下卦之上有尊象 天地生萬物而不言所利此天地人思所以皆有取 曰道也盖太極之中本無 取思退異見推是也四者皆出于自然而非有心故 早而人莫我高又孰得而踰之君子之終言此所 也盖人居尊而不光者有矣謙者處尊而能下人其 周易淺述 物事業功勞于我何 有

象曰地中有山謙君子以東多益寡稱物平施 盖有之矣惟要于究竟然後知謙之終必亨也 髙也外界下而內總崇高謙之象也山之在地高者 為君子有終也不于其終觀之則争而得謙而失者 者裒取而使之寡猶降山之高使之界也寡者增益 降而下界者升而上一升一降高界適平矣物之多 不言山在地中而言地中有山言界下之中蘊其崇 而使之多猶升地之界而使之高也一良一益而多

初六謙 次定四車全書 施 凡大泉皆於卦外教人用易之理哀多益寡稱 所 寫適平矣稱物平施 謂稱物之多寫而損益之然後 中而已聖人即 名生于過也物過然後知有謙謙者使物不過期得 施均平而多者不偏多寡者不偏寡也盖謙之為 俾小大長短各得其平非君子謙德之象乃君子 世使歸于謙之泉也 謙君子用涉大川吉 謙之名使一 周易淺述 切返于中善用謙 六十 物 者 平

上した 上之君子尊而光 故 道 杊 四互為坎水 之君子界而不 涉者无往 柔處下有 初 心 r人 涉 亦得 用 謙 則吉人當險難之時 稱 謙 君子 木在水上涉川之象 謙 **アス** 不 涉也全 利 而 者也 可喻者 用涉者 者盖三在 又 謙之泉三四 ť 卦以三為 初 色 涉 仼 下卦之 洮 用 下卦之上有勞而)1] 深自屈 アス 不 主 五互為震木二三 涉 可争先 用 下謙 故 涉與利涉 與表同 抓 则 雖 不足以濟 而 用 濟 謙 又 言君 謙 謙 稍 謙 在 在 殊

泉曰謙謙君子早以自牧也 六二鳴謙貞吉 者養者至則愈早而不可踰矣 陰陽唱和為鳴卦以三為主三互四五為震善鳴者 牧如牛羊使之馴服也養德之地未有不基于至早 卦二上皆言鳴謙盖三以勞而能謙故凡聞其風者 也易凡與震相應者皆言鳴豫初中孚二是也故此 可矣況平居乎占者有其德則常變皆古也

次定四軍全書

Ţ,

1.1号送述

泉曰鳴謙貞吉中心 解意義稍淺今按縣傳解之覺于三久意義融貫 卦以三為主諸交所 吉之象此文本義謂以謙 謂鳴其謙也二與三比柔順中正謙出于性故 對 所居中正謙本于中心所 相 從于謙和之而鳴言論稱述皆自處于果下所 得也 解與三无涉于取象又未見確 有開解鳴字亦可通但此 自得非由 勉 强正與 有貞

改定四軍全書 九三勞謙君子有終吉 象日勞謙君子萬民服也 卦中五陰有民象非服其勞服其勞而能謙所謂汝 伛 思自能保終而吉也良終萬物三居良之終得其正 不處上而處下故有勞而能謙之象上不疑而 也謙非難勞而能謙為難 陽居下之上剛而得正上下所歸有勞而能謙者 故以象辭君子有終歸之 1 周易淺述 陽為成卦之主勞矣乃 至

六四无不利 六四不富以其鄰利用侵伐无不利 象曰无不利為謙不違 柔而得正上而能下其占无不利矣然功不及三而 者雖无枝害之心而 居其上必當發揮其謙以示不敢自安之意盖勞謙 理之當然非過于法 不伐天下莫與汝争功萬民服即有終也 擕 謙 則 在四則亦有自盡之道也 則 sh 也

泉日利 飲定四車全書 能 謂 師 陰柔不富之象以柔居尊五謙皆為之用不富而 不 謙者不争然居君位而使人有 以自立矣故 之泉 其鄰之泉坤為衆五變互三為離為戈兵又有 矣故為君苟不自用而能用人 利盖无害于為謙 用侵伐征不服 五君位君德不必以謙見 不言謙然不 周易浅池 也 业 自 用而 不 服 雖以之侵伐亦无 且謙柔之過或 非 用 稱 垄 物平 謙 さ 施 能 者 不

上六鳴謙利 象曰鳴謙志未得也 一與三應 泉僅可征已之邑國不能 其謙謙之實有不足矣謙實不足故已之邑國或 然上鳴在于謙 順 伐非得已非外謙 Þ 亦 用 正故貞吉上所 有鳴謙之泉坤為地為泉有國邑征伐 行 師在邑國 可用行師. 則 叛者 居不中 而 如五之无不利 内 征邑國也 好勝 利 叛者不 特以與三應故 y 利則 Jr. 征 亦

者利矣以無得人心故利用行師非五之位故不能 而未得遂其志也全卦以九三 得吉占由坤德之順皆得利占則甚矣謙德之可貴 无不利非二之中故不能貞吉是以鳴謙雖與二 所處雖有尊卑廣狹常變之不同而由良體之静皆 de 豫卦下坤上震九四 陽為卦之主上下犀陰應之 一陽爻為主而五陰 同

大臣日南江南

周易淺迷

恋

備發之意隱寓其中矣六爻唯九四之豫以和樂言 所未及也然建 有 内 ケロ 順 備 重門擊桥 大而能謙必豫故受之以豫大而能謙 外動由 豫則 以次 而出地通暢和豫豫之象也豫卦次謙 謙也然豫有三義曰備豫曰和豫曰逸 和孫隨之然和豫之過則逸豫生矣繫辭 順 以待暴客盖取諸豫此備豫之意象象 侯行師 パス 動无不和悦有豫之義又雷 雖主人心 和黎而建 則 潘禦侮 有 按序卦 閉 豫 地 樂

猿利建侯行師 次定四車全書 泉坤 樂之由而逸豫者又和樂之過故正解專取和樂盖 豫無三義本義但以和樂言之盖備豫者所以致和 然則凡事宜豫而豫不可獨此全卦六爻之大古也 以中正不溺于豫然有先幾之識則其知備豫可知 **象意尚未他及也震動坤上長子主器有建國治民** 則皆有心求豫失豫之正而流于逸豫者也唯 順震下 陽統衆陰有行師動衆象也有震无 周易浅迷 空

泰曰豫 豫順 抻 九 和 順 絲 四 抻 有此象建侯必百 故 rz 不及行 則二者 動 剛應而志行 遇 陽上下應之其志得行 震為 故天地 利 師 心悅 順 如之 矣 謙有坤无震故不 rz 動 順 ifi 此 姓 じん 歸 動 況 誻 r Z 建 卦 豫 心行 侯 德言其所以致豫 地 此 師 行師 而 及建侯 ۲Z 必三軍用命 乎 卦 體言其豫也 豫 th 卦

天地以順動故日月不過而四時不成聖人以順動則 N. 18 ... 1.11. 刑罰清而民服豫之時義大矣哉 象曰雷出地奮豫先王以作樂崇德殷薦之上帝以配 此 心非一 不差其序以順陰陽之氣而動也刑必當罪順乎民 日月之行景長不過南陸短不過北陸故分至改閉 一極言而替其大使人涵泳言中而推其意于言外 一已喜怒之私民所以服也時義此時之義也 司易卷木 至

祖考 節好匹库在書 初六鳴豫山 鮗 四大臣近君其志大行之時初位早所居不中正 于明堂配以考也 以祖考威之至也周祀稷于南郊 之聲又取其和之義殷盛也樂无所不用薦上帝 陽閉地中舊震出地則通暢和豫矣先王作樂象雷 柔在下獨與四應四震善鳴欲與倡和有鳴象然 展) 配以 祖也祀文 £ 西巴

3 泉曰初六鳴豫志窮凶也 皆自樂者則逸豫之過矣故有吉凶之異初爻謙上 有凶象卦以樂豫為義取衆心之樂也六爻自四外 窮謂滿 聞于人者故猶有利豫者妄自張大因人為樂者故 之反對皆與震應故皆以鳴言然謙者界下自處以 八在下上得强援當時用事不勝其豫夸大自張故 ..)... 極 りあきず 空

六二介于石不終日貞吉衛兵四庫全書 武炭四库全書 作之泉樂豫易以羽人羽則憂矣六久獨二中而得 立于聚陰之中而无遲戀之意故静則如石之堅 俟終日而見事理之幾微是不溺于逸豫而知備豫 者也盖此卦當逸豫以无所係應為善初應四而 正自守之安静堅確如石静之至故其思慮明審不 五比之皆有係而溺于豫者故為山為悔為疾二特 二三四互為艮有石泉二變互三四為離不終日 卷. 而

次王日軍三十 六三野豫悔運有悔 泉曰不終日貞吉以中正也 中正者處豫之道也 事當速悔若悔之遲必至于有悔也三質柔而位剛 不正希其逸樂而上視之有盱豫致悔之象故占者 **盱上視也陰不中正而近于四四為豫主六三不中** 猶有能悔之象故戒之恐其悔之運也盖盱豫者溺 則有不終日之速不失其正而得古也 周易淺建 交

九四由豫大有得勿疑朋盍簪 象曰盱豫有悔位不當也 陽居陰不能无疑故戒之德陽而位陰故五陰亦有 言所處不中正與六二反也 **朋象盍合也簪以貫髮者** 九四卦所由以致豫者衆陰應之有大有得之象以 ·逸豫遲悔則又失于猶豫矣聖人兩言悔始 以致悔之端終則勉人以悔過之勇也 陽貫五陰之中有以籍 則示

六五貞疾恒不死 象曰由豫大有得志大行也 次軍四車長百 丁 為坎為心病貞疾之象當豫之時以柔居尊沈弱干 貞疾猶言痼疾不得言正盖六五非正也三四五五 **賈髮之象四大臣以陽剛任上事致君澤民合天下** 由已致天下于豫可謂大行其志矣 合志和衷則可常保其豫也 以為豫大有得矣又必開誠布公使朋類之賢俱進 問易浅迷 なれ

僅得不死則過中者豈生道哉以君象言之周末 貞吉以中且正當豫之時而不為豫者所以吉也六 豫又乘九四之剛事權歸四眾心不附處勢危矣然 共主是也使剛而不中則魏之曹髦柔而不中 山亦僅矣人生于憂患而死于安樂以五之得中而 五貞疾中而不正當豫之時而不得豫者雖未 以其得中故又為恒不死之象二五皆不言豫六二 信昭矣可不戒哉 と言 至于 則唐 2

象曰六五貞疾乘剛也恒不死中未亡也 上六真豫成有渝无咎 The Down Like 其凶嚴于初以過其惡也上冥豫開之以无咎恕干 極哀生有悔心之明者所以无咎也然初鳴豫 遷善也又豫上六變則為晉明出地上不終昏冥樂 以陰柔居豫極有昏冥于豫之象然以其動體又 乘剛故權下移得中故位號猶可保也 雖成而能有渝之泉能改過則可无咎矣勉人 問易淺述 キナ 即斷 有

象曰真豫在上何可長也 金厂口屋人言 者文之吉凶皆從四起義二遠于四而中正所 為主與象之樂豫同義其他皆過于豫而至于逸 則 豫至昏冥不可久矣言當速改也全卦以 終以引其善也 應四而鳴豫者也三以比 雖遠于四而處豫之極 四而溺于豫究不得豫者也總之豫宜衆不宜私 又與四同震體故為真初 四而 肝豫者也五又 九 四 以吉

介石矣 隨卦下震上兒震動兒說此動而彼說隨之義也以 少女從長男隨之象也隨卦次豫按序卦豫必有隨 而上渝為國者當如四之勿疑守已者則當如二 故世道不可无豫人心不可有豫初凶而五疾三悔

KND OF KILLO

泰以物隨為義此感彼隨可以大通而要之于正

周易淺述

キー

故受之以隨悅豫之極物之所隨隨所以次豫也全

隨元亨利貞无谷 金厂里户 隨 隨 至于隨易于自失其身大抵陽及則人隨我陰文 隨人之意亦在其中矣矣無隨物為義此 矢口 故 所隨此三隨四所以有得二係初則 隨人而隨人者宜隨上不宜隨下文陰位 故貞吉四 則不言隨也居上者宜為人所 不言隨言係而言交此六久之大略也 يا والر 臣位為三所隨故貞凶 卷二 隨五君位為二 初 有失上无 雖 動 陽文 岡门 彼 者 in 説 所 在 所 猶 而

次定四車主 **彖曰隨剛來而下柔動而說隨** 隨從也隨者我有以致物而物自隨乎我故占當得 肯然所論深合利貞无谷大意諸卦中屯臨无妄革皆 大亨然必利於正乃得无咎若不正則雖亨而不免 言元亨利貞獨隨係以无咎盖動而說易至于不正 于谷矣按左傳穆姜之言以隨四德與乾同雖非本 而有咎故示戒辭 按本義謂以卦變卦體釋卦名義謂自困卦九來居 , 周易淺述 キニ

大亨貞无谷而天下隨時 金り 初自噬塩九來居五自未濟來無此二變皆剛來下 物之隨也 也本義作隨之意尤順盖論全卦之義重我有以致 王註程傳皆作隨時謂隨時得正則天下皆隨其時 柔也今按來註但以綜卦言之隨盡相綜雜卦原對 柔也以後凡言卦變者皆從綜卦 言之隨以盡之良反兒居上與反震居下是剛來下 Ĺ ノニコ

泉曰澤中有雷隨君子以嚮晦入宴息 隨時之義大矣哉 次定四事全書 紙也 雷二月出地八月入地澤亦地也又兒正秋八月正 昏晦則居內休息造化有晝有夜人生有作有息人 依本義作隨之時義尤順 心有感有寂有動有静此造化之自然亦人事之當 允之時震下兒上有雷入地中之象君子取之及向 1.周男浅迷

初九官有渝貞吉出門交有 豐 艮 陽 德不繫私暱正不必言隨人而自有功也 初 泉初 震動之體已渝其常矣然居正得古出門交四同 有出門之象與四同德不言隨而言交有交有功 居 非 九以陽為震之主有官守之象居下无隨我者剛 陽位得正有貞吉之象前臨陰偶 随人者然初 九卦之所 動體則改其常矣故為有渝之泉 以為隨者雖人无隨我我未隨人 功 二三四互為

六二係小子失丈夫 象曰官有渝從正吉也出門交有功不失也 交不失其正則有功也人雖未隨我我亦不隨人以 陽剛得正故也 君位有丈夫象二與五正應宜得所隨矣然當隨之 初陽在下而近以在下有小子象五陽正應而遠以

次定四車全書

係于初有係小子失丈夫之象人隨我為隨我隨

月易浅述

キ四

時以陰文陰位為過于柔不能自守以待正應而近

泉曰係小子弗無與也 六三係丈夫失小子隨有求得利居貞 係 陰隨之有求而必得之象三言係又言隨者三有得 而遠于初有係丈夫失小子之衆四陽當任三則以 為係日失惜之也 綇 此失彼不能無也 可言隨也三不中正宜失所隨矣然以居 四陽交亦有丈夫之泉小子亦謂初也三近係四 剛 稍

欽定四庫全書 象曰係丈夫志舍下也 九 四隨有獲貞凶有孚在道以明何谷 言吉也 居陽故得貞吉六三以陰居陽故示以居貞而不 也然六居三不正九居四亦不正也以不正相 自主勝于二之過柔故猶知係四而 于求而有得不可言矣故戒以居貞則利初九以陽 舍初之在下者也 5.二周湯述 不係初而有得 李五 比至 得

君民共諒乃得无咎也豫隨九四皆大臣之位豫 震偏之凶矣故 君信民歸 有学之象互二三為艮有光明之象卦中三陰三陽 五 隨之泉然勢陵于五有雖 九四以剛居上之下與五同德而三係之有得人之 同德故人隨之然四大臣之位 宜隨陽初以在下不足為人所隨故但言交四 隨皆有獲然使恩威不自五出雖正亦 必中有孚誠動皆合道使心迹光 正亦凶之泉變則為坎 上 有剛 , 德之君 與 有 有 骓 有 明

次定四東全書 原 第曰隨有獲其義山也有字在道 明功 卦之所以隨者在四五又以柔居其上四志可行故 得不言凶而隨四之有獲言凶者盖豫卦 卦能得隨之中正者在五四偏于五而得人心未必 其古與凶宜以至誠自將則一也 凶 上安而下從之也故戒不在君而在臣四之所以貞 不在臣而在君五之所以貞疾也隨卦三陰三陽 地 然豫四日勿疑隨四日有孚居危疑之地无論 周易淺述 か 李六 陽五陰

九五孚于嘉吉 自光明也 道以有明哲之功也久曰以明言以此明其心迹也 有獲豈必皆凶有致凶之理故曰其義凶也有孚在 中正之二是信于善者也故有孚于嘉之泉而占則 傳曰明功言有明哲之功則不為利欲所昏而心迹 吉也四五皆以陽居三上二陰之中陽内陰外有中 五陽剛中正得衆文之隨隨之主也然所應唯在

次定四軍全書 象日孚于嘉吉位正中也 實之象故皆曰孚然四之孚戒之也欲其孚于五也 五與二皆正中故謂孚于嘉也然以二之正中在五 從之五足當之矣 五之孚喜之也喜其孚于二也大亨貞无谷而天下 謂之嘉在二反有失者盖隨之為義貴我致人之隨 而不欲徒隨于人隨人者有陽剛之德猶可自主若 于陰柔則係于近而失正應之可隨者矣故五孚 周易淺述

上六拘係之乃從維之王用亨于西山 西為巫二三四互為艮為山一變純乾為王有王亨 上六以柔居柔處隨之極有拘係又維之之象兒為 黨之戒也 于二則有君臣同德之象而二之係初則有背公植 今從本義而王宜作太王盖六文之義陰宜隨陽下 王遷岐之事謂其得民心也本義以亨為祭享之享 于西山之泉程傅以王為太王亨作亨通之亨指太

象曰拘係之上窮也 固結維係之意人心從此而集天命從此而基占者 隨人而人之隨我者亦未廣然誠敬以享于山川有 處隨之極故也全卦物來隨我我往隨物皆貴于正 得此則其象亦如是也 同德有固結于幽陰之泉太王避狄去幽遷歧我非 之隨居五之上而非天子之位與三非正應而兩陰 宜隨上上勢居最上无所隨而質柔又不足以致

人の日の人は

周易済迷

キハ

竟受人之隨則又不免于貞凶矣初 陽 諸文吉凶得失别為一例唯陽文能為物所 主而在下位以 上有大臣之象故三係之有得而在四有偪五之嫌 不言係而言交陽居陽位故交而有功也三陰交 上人人 北 之主則不肯上係于人又不能安静以處故不言 剛之德又居君位當為物所隨者故吉四居三之 動放說而至于隨易于失身尤以陽 在下則 卷一 不應為人所隨然以陽爻為 雖陽爻為隨 剛為貴故 隨五 有

陰則固結之極然不可以人道言矣故為享于思神 柔故曰觀象辭則思過半矣 失主盖當隨之時義當如是隨之喜剛亦猶履之善 之象盖他卦六爻以相應為善此則又貴其自處之能 主故二以舍五係初而失陰居陽位稍知自立故三 皆隨物者則不言隨而言係然陰居陰位者柔而无 剛他卦陰爻亦以得正為善此則又不欲其過柔而 以舍初係四而得至上以隨之極陰文陰位所應又

大三丁三 へこる

周易淡述

され

金ピ **蠱卦異下艮上按左氏風洛山女感男以長女下** 龙二

とだ

有事之象本義謂上尚止而

下界

異彼此怠緩積弊

亦

少男感亂其情靈之象也風遇山而回物皆撓亂

致盡謂之盡者壞極而有事也大從與從四聚與

皿

曰

中使自壞爛盡之義也然卦中無治盡意治盡而

猶治亂而曰亂也盡卦次隨按序卦以喜隨

有事故受之以盡喜悦隨人過中失正則盡惑壞

次定日ちてたち 復治而治蠱之道有取于更新丁寧此全象之大肯 亂之事自此起盡所以次隨也全象謂盛治則亂 者而盡為前人已壞之緒故又以子道言之治盡以 為事外之臣事外者理亂不關故不言盡餘皆治蠱 也六爻五為治靈之君下四爻為治靈之臣而上則 得中三爻位俱剛故有悔四爻位俱柔故未得五亦 以文柔位剛居中有應故用譽而五之一文自處 剛柔相濟為善初交柔位剛故无咎二爻剛位柔故 問易淺述

靈元亨利涉大川先甲三日後甲三日 為子二視之為母上視之又為君則其取泉展遷不 有道以治之甲日之始事之端先甲三日為辛後甲 震木在兒澤之上有利涉大川象然治盡宜勇亦須 意亂極當治有元亨東治盤必勇往以求必濟中互 蠱本義謂壞極而有事也壞極為 蠱有事則無治 可為典要者也 三日為丁前事已壞取先甲三日之辛以更新之不

议定四軍全書 者落來註照圓圖但取艮異二卦之義亦未見的確 本義及舊解皆同于理固順而盤取甲異取庚未見 使至于大壞後事方新取後甲三日之丁以丁寧之 象曰先甲三日後甲三日終則有始而異之九五日 今按蘓傳所解與本義異而似可存按蘓傳藍之 不使至于速壞此治盛而致亨之道也先甲後甲按 以不為盡者有九五以幹之而盡无是也故盡之 也上下相順與下順而上止為偷一 周易淺述 也而巽之

庚三日後庚三日世所謂六庚也甲庚之先後陰陽 有不知者也先甲三日後甲三日世所謂六甲也先 陰生于午盡于亥陽為君子君子為治陰為小人 无初有終先庚三日後庚三日吉陽生于子盡于 後甲後甲三日午辰寅寅盡于交然後陰極陽生盛 相反故易取此以寄治亂之勢也先甲三日子戌申 人為亂夫一 中盡于己而陽盈盈將生陰治將生亂故受之以 一日十二干相值支五干六而後終世未 卷二 次軍四軍全書 **彖曰蠱剛上而柔下異而止蠱** 異之功也 有終曰吉不言于彖而言于九五明此九五之功非 亥後庚三日盡于己先陰後陽先亂後治故曰无初 後變故曰終則有始天行也異則不然初雖失之後 日子戌申也庚之所後甲之所先故先庚三日盡干 必有以起之譬之于庚先庚三日午辰寅也後庚三 无九五以幹之則其治亂皆極其自然之勢勢窮而 周易淺述 全

甲三日終則有始天行也 靈元亨而天下治也利涉大川往有事也先甲三日後 致盛之由非所以治盤治盤意當于此節言之既盡 他解以異而止為治靈者非盖下早異而上尚止乃 以卦德言則下犀異而上茍止皆積弊以致蠱者也 接下太柔則情難上達上下不交以致盤也異而止 言反隨之震上為艮兒下為巽也上太剛則情不下 剛] 上柔下以卦體言良剛居上異柔居下也以卦 綜 次足口至全后 象日山下有風盡君子以振民育德 懦而止則終蠱而不能元亨矣甲者十日之始亂之 内而能振動外物則象之以振動其民山在外而能 眷更新一番丁寧亦如天之行也 終治之始天運之行如是治盡者終前事始後事 者當鹽之時宜有事以濟險不可以无事視之若異 又言元亨亂極復治之象也曰往有事而不言有功 山下有風物壞而有事矣治已治人事之大者風在 周易淺述 솔

初六幹父之盡有子考无谷属終吉 當鹽之時風俗敗壞由民之不新民之不新由已德 之不明故必有以振作聲動其民而在已宜進德不 幹木之幹枝葉所附以立者以身任其事而不敢避 民之事育者培養已之善明德之事易言育德多取 涵育內氣則象之以涵育其德振者作與人之善新 于山故蒙亦言育德而異之申命行事亦振民之意 ノモドんと言 此皆所以治靈也 卷二

災定日軍全書 象日幹父之盡意承考也 故曰幹中互震木下巽木有幹之象盡之災非 言之在靈之初盛未深而事易濟且質柔而位剛故 子而發也子能幹之克盖前您則振飭而與起矣初 之故必世而後見故皆以父子言之明父養其疾至 属泉知危而戒終承已志有終古之象 有子能治盡考得无咎之象質柔位剛子專父事有 六以陰在下所應又柔似不足以治盡者然以其時 周易浸述 沿四

九二幹母之蠱不可貞 此又取象之變不可為典要者也九二剛中上應六 質柔故有母象在五自處亦為子自二視五則為母 不承其事而承其意所謂善繼人之志者也 之盤取艮之上久為父也二獨與五應五雖艮體而 母指六五也艮止于上異順于下无為而尊于上者 五有子幹母蠱而得中之象以剛承柔而治其壞故 **父道也服勞而順于下者子道也故五爻皆言幹父**

次定四車全書 泉曰幹母之盡得中道也 柔暗以二之剛承五之柔固守其正或至傷恩害義 必異以入之乃得中也若以君臣論則周公之事成 王成王有過則撻伯禽亦此意也 日不可貞非不可正也不可固執以為正也 母性多 九二以剛居柔在下卦之中有中道之象得中道而 以系濟剛善于幹母之盡者也 戒以不可堅貞言當異以入之也貞者事之 人馬馬茂述 公五

泉日幹父之盡終无谷也 九三幹父之盡小有悔无大谷 過剛不中故有小悔異體得正故无大咎 六六五之柔而居剛九二之剛而居柔皆可幹蠱不 陷于不義者也盖幹盡之道以剛柔相濟為善故初 也以九居三剛之至君之諍臣父之諍子不使君父 則與其為六四之裕而各不若九三之悔而无咎裕 文言无大咎宜不免于小咎而傳謂終无咎者幸之

Kr. 100 1.1.14ulo 六四裕父之盡往見各 泉曰裕父之盡往未得也 致吞也 业 目前以為得矣循此以往未為得也欲人急于改圖 將日深往則見各矣盖目前雖可尚安如是以往必 以陰居陰不能有為有寬裕以治盡之象如是則盡 而各者由吉而趨凶悔而无咎則自凶而趙吉也 周易淺述 옻

泉日幹父用譽承以德也 六五幹父之靈用譽 穆公能用良臣而幹蠱有譽者也 有子道若繼世之君也用譽用陽剛之臣以致譽也 五柔中居尊九二承之以德能用陽剛之臣以幹父 一以五為母謂以柔居尊也然五之上有上則五又 承以剛中之德德在臣譽在君上下一)盡者可以致聞譽矣譬若問宣王之用仲山南名 とうして 德矣故不

上九不事王侯髙尚其事 見前人之蠱

五幹之已畢則亂極而治之時矣故不言盡也初至 至五皆言盡此不言盡者上九盡之終事之壞者六 陽剛居上在事之外有不事王侯高尚其事之象初 五皆言父子不及君臣者臣之事君猶子事父母當

盡之時身在事中必視國事如家事乃可故言父子

而君臣之道在其中矣上九言不事王侯又不言父

周易淺述

尘

大己日三人一

象曰不事王侯志可則也 からん しん へき 避險患不以為勞世已昇平則功成身退解榮謝龍 以義合者也則當以其位與時論之身在其位則盡 子者子于父母无可該之事无一日可離之時君臣 而不以為矯上九者无位之逸民功成身退之者舊 引不事王侯而不以為傲時當艱難則鞠躬盡瘁不 力以幹如子事父母不以為汙不在其位則超然遠 th

潔身高尚如子陵功成身退如范蠡其事高其忠可 為法則矣全卦名蠱而皆言治蠱蠱之可亨猶否極 運自然而人事宜盡所以有取于更新 人望人之意切矣 柔相濟為善然與其柔而致春又不若剛 之道家事國事皆有盡為子為臣无異

又三日う人三日

周易浅述

金牙正たんこ 周易淺述卷二